




## 99er Rotznasä Därwiler Fasnacht 2017

Sujet: Blumenrain Rikschas – Mir löhn uns chauffiere,  
im Alter muesch profitiere



Bim Altersheim chasch jetzt Rikschas bueche,  
Allerdings muesch d'Fahrer selber go sueche,  
D'Bluemerain Bewohner sin zwar flotti Gselle,  
Doch nach 500m, wüsse sie nüm wo sie ane hän welle.

*Die neu Gmeinrötin Villinger Virgine, jo das wän mir euch verzelle,  
Het sich au nit geeignet, will mir dr Sattel nit so tief hän chönne stelle.  
Dr Thomas Kamber het Angscht und duet lut schreie,  
I will doch bim Känelmatt nit über die Baumwurzle gheie.*

*Jä dr Reto Wolf mag vor luter spare,  
Selber gar nüm fahre.*

*Dr Frei Rolf, unsere grosse Dänker,  
Bechunt sie Ranze jo garnit hinter dr Länker.*

*Dr Beat Zahno unsere Verkehrsmagistrat,  
Stoht unter Dopingverdacht wägem viele Morekopfkonzentrat.*

*D'Barbara, jä d'Barbara, jä d'Barbara jä d'Walsoe Barbara,  
Die löhn mir sicher nit an unseri Rikschas dra.*

*Mit dr Dora Weissberg hän mir au nit chönne starte,  
Die het so viel gschnurrt do hän mir viel z'lang müesse warte.*

*Jetzt hämer bald alli dure – ah d'Lilian hätt no Zyt,  
Aber mit de Rikschas uf Afrika isch e chli zwitt.*

***Es hilft alles nüt mir müen selber in d Hose,  
Und unseri Rikschas eleige stosse.***

E wunderschöni Plagette, Wältoffe gar kei Schand,  
Därwil isch jetzt wäge dere Hand, Wältbekannt,  
Hän ihr dr Fehler gfunde, es isch für uns e Qual,  
„America first“ und d'Freiheitsstatue ghört Zentral.

*D'Wält verschiebt sich nach rechts, es git Grund zum klage,  
Do finde mirs schön an dr Fasnacht s'Härz e bitz linker z'trage.*

Dr Pokémon Hype isch zum Glück verbie,  
Wie mir wüsse isch das Spiel nit ganz ungföhrlich gsi,  
Me het Bäll nach de Monster müesse werfe, hän mir verno,  
Jetzt cha nämli au d'..... wieder unbeschadet durchs Dörfli go.

*Dr Möschtli analog het das Spiel nit chönne verstoh,  
Wie söll me so viel Bäll in e Smartphone ine becho.*

Dr Roland Imbode, wer kennt ihn nit,  
Het sis Büro samt IT outsourced, i finds dr Hit,  
Er het mir das gseit, es isch nit glooge,  
Den sini Tochter d'Marisa isch de Heim uszooge.

*Technik isch nid jedermanns Sach,  
Fraue uf de Verwaltig, nämet euch in acht.*

E Maa mit Glatze im Facebook immer presänt,  
Wägem Gäld am jommere, permanent,  
Relax ... e Bar Tipps: Suech dir doch e Fründin us Pole,  
Die duet dir vielleicht au, Geld vo dr Gaba hole.

*Würd er sich wie dr Name Relax Bar verhalte,  
Würd er in Zuekunft sini Kunde bhalte.*

Därwil het bim Bachelor 2 Kätzli dörfe stelle,  
Doch dä liebi Maa het keini vo beidne welle,  
Mir Rotznasä finde das überhaupt nit schlimm,  
So ligt für uns vielleicht no öbis drin.

*Mir hän kei Chance wäg dene Stächmugge,  
Chum seht e Frau dr Schänggeli müen si ihn go drugge.*

E super Deal im Wallis hani gseh,  
Für 222.- e Saisonkarte für Saas Fee,  
I ha mini Saisonkarte leider verschänkt,  
Den für s glische Geld hets nid mit dr Bahn dört ane glängt.

*Au d BLT muess spare i weiss au wo,  
Sie chönnte ihri doofe Barriere länger d'Obe loh.*

I ha mir für 6 Mönet e U-Abo poschtet,  
Au e Parkplatz in Rynach, jo das koschtet,  
Aber das isch mirs Wert gsi und i bi au nit elei,  
I fahr lieber mitem Bus, als mitem Auto über Ettigä hei.

*„Ä ttigä“ froogt mi e Waggis, wo das isch,  
I ligg jetzt no vor Lache unterem Tisch.*

**So mir müen jetzt los unseri Rikscha isch voll,  
Unsere zweite Job finde mir richtig toll,  
Flissig am trainiere mit grosse Schritt,  
Verteile mir jetzt d'Päckli wills d'Poscht alwä nüm lang git.**

